

**Karton akušerske njege**

Ovaj karton se otvara za sve porodilje na svim nivoima zdravstvene zaštite.

**Obavezno sadrži:**

- Broj kartona
- Datum otvaranja kartona
- Podaci i zdravstvenoj ustanovi*
- Lični podaci*
- Prezime, ime oca i ime
- Datum, mjesec i godina rođenja
- Jedinstveni matični broj
- Adresa stanovanja
- Bračno stanje
- Zanimanje, šifra djelatnosti
- Kategorija zdravstvenog osiguranja
- Datum porođaja
- Porođaj: na vrijeme, prije vremena, prolongirana trudnoća
- Da li je rađena sekcija:
- Mjesto porođaja
- Ime i prezime doktora koji je obavio porođaj
- Koliko je djece rođeno u porođaju
- Ako je dijete umrlo-uzrok smrti
- Porođajna težina djeteta
- Porođajna dužina djeteta
- Da li majka doji
- Ako ne doji, zašto
- Apgar Score (stanje novorođenčeta po porodu)
- Njega*
- Dojke, bradavice dojki, lohija, ishrana, duševno stanje, lična higijena, hemoroidi, stanje epiziotomijske rane
- Plan zdravstvene njege*
- Potrebe porodilje (problemi)
- Očekivani rezultati
- Planirane intervencije
- Realizovane intervencije
- Evaluacija

**Knjiga evidencije o potrošnji opojnih droga u zdravstvenim ustanovama**

Knjiga evidencije o potrošnji opojnih droga u zdravstvenim ustanovama obavezno sadrži:

- Podaci o zdravstvenoj ustanovi*
- Ime i prezime pacijenta
- Datum izdavanja
- Vrsta opojne droge
- Količina: Nabavljeno, Izdato, Stanje
- Adresa i broj lične (osobne) karte pacijenta
- Šifra bolesti
- Propisivač opojne droge (Vrsta opojne droge, Doktor medicine)
- Magistar farmacije

**Knjiga evidencije o sterilizaciji**

Knjiga evidencije o sterilizaciji obavezno sadrži:

- Podaci o zdravstvenoj ustanovi*
- Datum i vrijeme početka sterilizacije*
- Datum i vrijeme završene sterilizacije*
- Vrsta i količina steriliziranog materijala
- Podatke o aparatu za sterilizaciju*
- Vrsta sterilizacije*
- Provjera sterilizacije*
- Temperatura*
- Dužina trajanja sterilizacije*
- Specifični parametri za određene vrste sterilizacije
- Zapisi provjere sterilizacije hemijskim indikatorom
- Zapisi provjere sterilizacije biološkim indikatorom

*Kontrolu nakon završene sterilizacije obavio potpis i pečat*

Potpis osobe koja preuzima materijal

Potpis osobe koja predaje materijal

Potpis osobe koja je završila sterilizaciju



1174

Na osnovu člana 55. stav (1) Zakona o evidencijama u oblasti zdravstva ("Službene novine Federacije BiH", broj 37/12), federalni ministar zdravstva donosi

**PRAVILNIK  
O OBLIKU, SADRŽAJU I NAČINU VOĐENJA  
INDIVIDUALNIH IZVJEŠTAJNIH OBRAZACA I  
DRUGIH POMOĆNIH OBRAZACA ZA VOĐENJE  
EVIDENCIJA**

**I. OPŠTA ODREDBA**

Član 1.  
(Predmet)

- (1) Ovim pravilnikom bliže se uređuje oblik, sadržaj i način vođenja individualnih izvještajnih obrazaca i drugih pomoćnih obrazaca za vođenje evidencija, kao i druga pitanja od značaja za individualne izvještajne obrasce i druge pomoćne obrasce.
- (2) Vođenje individualnih izvještajnih obrazaca i drugih pomoćnih obrazaca je od interesa za Federaciju Bosne i Hercegovine (u daljnjem tekstu: Federacija), kao i dostavljanje izvještaja zavodima za javno zdravstvo koji je sastavni dio stručnog medicinskog rada zdravstvenih ustanova i zdravstvenih radnika i obavlja se po odredbama ovog pravilnika.

**II. OBLIK I SADRŽAJ OBRAZACA**

Član 2.  
(Individualni izvještajni obrasci)

- (1) Za određene pojave koje se prate u sektoru zdravstva, zdravstvene ustanove, odnosno odgovorni zdravstveni radnici, popunjavaju i dostavljaju, na propisan način i u zakonski propisanim rokovima, odgovarajuće individualne izvještajne obrasce.
- (2) U zdravstvenim ustanovama vode se sljedeći individualni izvještajni obrasci:
  - a) Bolesničko-statistički list; Bolesničko-statistički list - ONKO tip i Bolesničko-statistički list - psihijatrijski tip,
  - b) Prijava oboljenja-smrti od zaraznih bolesti,
  - c) Prijava oboljelog od HIV/AIDS-a,
  - d) Prijava oboljelog djeteta od HIV/AIDS-a,
  - e) Prijava smrti oboljelog od HIV/AIDS-a,
  - f) Prijava o tuberkulozi,
  - g) Prijava bolničke infekcije,
  - h) Prijava/odjava epidemije zarazne bolesti,
  - i) Prijava postvakcinalne komplikacije,
  - j) Prijava porođaja,
  - k) Prijava prekida trudnoće,
  - l) Prijava nesreće/ozljede na poslu,
  - m) Prijava o profesionalnoj bolesti,
  - n) Prijava privremene sprječivosti za rad,
  - o) Prijava povrede u promet,
  - p) Prijava oboljelog od maligne neoplazme,
  - q) Prijava oboljelog od šećerne bolesti/diabetes mellitus,
  - r) Prijava oboljelog od hronične bubrežne insuficijencije,
  - s) Prijava kongenitalne malformacije,
  - t) Prijava oboljelog od hronične psihoze,
  - u) Prijava liječenih ovisnika od psihoaktivnih supstanci.

- (3) Oblik, sadržaj i način vođenja individualnih izvještajnih obrazaca iz stava (2) tač. a), tač. j) do m), tač. o) do u) ovog člana propisani su na Obrascima koji se nalaze u Prilogu 1. ovog pravilnika, i čine njegov sastavni dio.
- (4) Oblik, sadržaj i način vođenja individualnih izvještajnih obrazaca iz stava (2) tač. b), f) i h) ovog člana propisani su Pravilnikom o načinu prijavljivanja zaraznih bolesti ("Službene novine Federacije BiH", broj 101/12).
- (5) Oblik, sadržaj i način vođenja individualnih izvještajnih obrazaca iz stava (2) tač. c), d) i e) ovog člana propisani su Pravilnikom o načinu prijavljivanja HIV/AIDS-a u Federaciji Bosne i Hercegovine ("Službene novine Federacije BiH", broj 36/09).
- (6) Oblik, sadržaj i način vođenja individualnog izvještajnog obrasca iz stava (2) tačka g) ovog člana propisan je Pravilnikom o uslovima i provođenju mjera za sprečavanje i suzbijanje bolničkih infekcija ("Službene novine Federacije BiH", broj 84/10).
- (7) Oblik, sadržaj i način vođenja individualnog izvještajnog obrasca iz stava (2) tačka i) ovog člana propisan je Pravilnikom o načinu provođenja obavezne imunizacije, imunopofilakse i hemopofilakse protiv zaraznih bolesti te o licima koja se podvrgavaju toj obavezi ("Službene novine Federacije BiH", br. 68/16 i 16/17).
- (8) Oblik, sadržaj i način vođenja individualnog izvještajnog obrasca iz stava (2) tačka n) ovog člana propisan je Pravilnikom o postupku i kriterijima za utvrđivanje privremene spriječenosti za rad osiguranika ("Službene novine Federacije BiH", broj 3/17).

#### Član 3.

(Obaveza popunjavanja i dostavljanja individualnih izvještajnih obrazaca)

Sve javne i privatne zdravstvene ustanove, kao i nosioci privatne prakse u Federaciji obavezni su popunjavati i dostavljati individualne izvještajne obrasce iz svog djelokruga rada nadležnom kantonalnom zavodu za javno zdravstvo i to na obrascima propisanim ovim pravilnikom, kao i obrascima utvrđenim propisima iz st. (4) do (7) člana 2. ovog pravilnika. Izuzetak je stav (8) člana 2. ovog pravilnika individualni izvještaj koji se dostavlja nadležnom zavodu zdravstvenog osiguranja, a prema dinamici utvrđenoj u Programu statističkih istraživanja od interesa za Federaciju Bosne i Hercegovine, u skladu sa Zakonom o statistici u Federaciji Bosne i Hercegovine ("Službene novine Federacije BiH", br. 63/03 i 9/09).

#### Član 4.

(Pomoćni obrasci za vođenje evidencija)

- (1) U zdravstvenim ustanovama i privatnim praksama koriste se slijedeći pomoćni obrasci za vođenje evidencija:
- recepti,
  - uputnica specijalisti, nalaz i mišljenje,
  - uputnica u bolnicu,
  - uputnica u laboratoriju,
  - laboratorijski nalaz,
  - ljekarsko uvjerenje,
  - sanitarna knjižica,
  - zdravstvena knjižica.
- (2) Oblik, sadržaj i način vođenja pomoćnih obrazaca iz stava (1) tač. b) do f) ovog člana nalaze se u Prilogu 2. ovog pravilnika i čine njegov sastavni dio.
- (3) Oblik, sadržaj i način vođenja pomoćnog obrasca iz stava (1) tačka a) ovog člana propisan je Pravilnikom o uslovima za propisivanje i izdavanje lijekova u prometu na malo ("Službene novine Federacije BiH", br. 42/11, 64/11 i 82/11).

- (4) Oblik, sadržaj i način vođenja pomoćnog obrasca iz stava (1) tačka g) ovog člana propisan je Pravilnikom o načinu obavljanja zdravstvenih pregleda lica pod zdravstvenim nadzorom ("Službene novine Federacije BiH", br. 20/08 i 39/14).
- (5) Oblik, sadržaj i način vođenja pomoćnog obrasca iz stava (1) tačka h) ovog člana propisan je Uputstvom o sadržaju i obliku zdravstvene iskaznice ("Službene novine Federacije BiH", br. 43/14 i 47/15).

#### Član 5.

(Obaveza vođenja evidencija na pomoćnim obrascima)

Sve javne i privatne zdravstvene ustanove, kao i nosioci privatne prakse u Federaciji obavezni su voditi evidencije na pomoćnim obrascima utvrđenim u članu 4. ovog pravilnika.

#### Član 6.

(Javnozdravstveni registri)

- (1) Zavod za javno zdravstvo Federacije Bosne i Hercegovine (u daljnjem tekstu: Federalni zavod) na osnovu individualnih izvještajnih obrazaca vodi javnozdravstvene registre o bolestima od većeg socijalno-medicinskog značaja, i to kako slijedi:
- Registar malignih neoplazmi,
  - Registar šećerne bolesti,
  - Registar hronične bubrežne insuficijencije,
  - Registar kongenitalnih malformacija,
  - Registar hroničnih psihoza,
  - Registar liječenih ovisnika o psihoaktivnim supstancama.
- (2) Federalni zavod obavezan je razviti metodologije vođenja registara iz stava (1) ovog člana u saradnji sa zdravstvenim ustanovama koje se u okviru svoje djelatnosti bave bolestima od većeg socijalno-medicinskog značaja, a za koje se uspostavljaju registri.

### III. NAČIN VOĐENJA INDIVIDUALNIH IZVJEŠTAJNIH OBRAZACA I DRUGIH POMOĆNIH OBRAZACA ZA VOĐENJE EVIDENCIJA

#### Član 7.

(Obrada evidencija)

- (1) Pri vođenju individualnih izvještajnih obrazaca i drugih pomoćnih obrazaca za obradu evidencija primjenjuju se jedinstvene definicije, nomenklature, klasifikacije i drugi elementi statističke metodologije, a koje utvrđuje i objavljuje Federalni zavod, uz prethodno pribavljenu saglasnost federalnog ministra zdravstva.
- (2) Federalni zavod obavezan je razviti metodologiju za protoke informacija individualnih izvještajnih obrazaca utvrđenih u članu 2. ovog pravilnika.

#### Član 8.

(Rokovi za dostavljanje individualnih izvještajnih obrazaca)

- (1) Individualne izvještajne obrasce zdravstvene ustanove dostavljaju do 5. (petog) dana tekućeg mjeseca za prethodni mjesec nadležnom kantonalnom zavodu za javno zdravstvo, a prema Programu statističkih istraživanja od interesa za Federaciju Bosne i Hercegovine.
- (2) Individualni izvještajni obrazac iz člana 2. stav (2) tačka n) ovog pravilnika, zdravstvene ustanove dostavljaju do 5. (petog) dana tekućeg mjeseca za prethodni mjesec nadležnom kantonalnom zavodu zdravstvenog osiguranja, a prema propisima o postupku i kriterijima za utvrđivanje privremene spriječenosti za rad osiguranika.

#### Član 9.

(Tajnost podataka)

Zdravstveni radnici i zdravstveni saradnici dužni su čuvati tajnost podataka iz medicinske dokumentacije koje obrađuju i

koriste za popunjavanje individualnih izvještajnih obrazaca i drugih pomoćnih obrazaca, a u skladu sa Zakonom o evidencijama u oblasti zdravstva ("Službene novine Federacije BiH", broj 37/12) i propisima o zaštiti ličnih podataka.

**Član 10.**  
(Stručni nadzor)

Stručni nadzor u zdravstvenim ustanovama nad vođenjem i dostavljanjem individualnih izvještajnih obrazaca propisanih ovim pravilnikom obavljaju nadležni kantonalni zavodi za javno zdravstvo.

**IV. PRELAZNE I ZAVRŠNE ODREDBE**

**Član 11.**  
(Metodološko uputstvo)

Federalni zavod će u roku od tri mjeseca od dana stupanja na snagu ovog pravilnika utvrditi metodološko uputstvo koje sadrži:

- 1) način i postupak za popunjavanje obrazaca, kao i protoke informacija individualnih izvještajnih obrazaca i pomoćnih obrazaca utvrđenih čl. 2. i 4. ovog pravilnika,
- 2) definicije, nomenklature, klasifikacije i druge elemente statističke metodologije, koji se primjenjuju za vođenje medicinske dokumentacije, evidencije i sastavljanje izvještaja.

**Član 12.**  
(Stupanje na snagu i primjena)

Ovaj pravilnik stupa na snagu osmog dana od dana objavljivanja u "Službenim novinama Federacije BiH", a primjenjivat će se od 01.01.2019. godine.

Broj 01-37-3575-2/18

31. jula 2018. godine  
Sarajevo

Ministar  
Doc. dr. **Vjekoslav Mandić**, s. r.

Na temelju članka 55. stavak (1) Zakona o evidencijama u oblasti zdravstva ("Službene novine Federacije BiH", broj 37/12), federalni ministar zdravstva donosi

**PRAVILNIK  
O OBLIKU, SADRŽAJU I NAČINU VOĐENJA  
INDIVIDUALNIH IZVJEŠTAJNIH OBRAZACA I  
DRUGIH POMOĆNIH OBRAZACA ZA VOĐENJE  
EVIDENCIJA**

**I. OPĆA ODREDBA**

**Članak 1.**  
(Predmet)

- (1) Ovim pravilnikom bliže se uređuje oblik, sadržaj i način vođenja individualnih izvještajnih obrazaca i drugih pomoćnih obrazaca za vođenje evidencija, kao i druga pitanja od značaja za individualne izvještajne obrasce i druge pomoćne obrasce.
- (2) Vođenje individualnih izvještajnih obrazaca i drugih pomoćnih obrazaca je od interesa za Federaciju Bosne i Hercegovine (u daljnjem tekstu: Federacija), kao i dostavljanje izvješća zavodima za javno zdravstvo koje je sastavni dio stručnog medicinskog rada zdravstvenih ustanova i zdravstvenih djelatnika i obavlja se po odredbama ovog pravilnika.

**II. OBLIK I SADRŽAJ OBRAZACA**

**Članak 2.**  
(Individualni izvještajni obrasci)

- (1) Za određene pojave koje se prate u sektoru zdravstva, zdravstvene ustanove, odnosno odgovorni zdravstveni djelatnici, popunjavaju i dostavljaju, na propisan način i u

zakonski propisanim rokovima, odgovarajuće individualne izvještajne obrasce.

- (2) U zdravstvenim ustanovama vode se slijedeći individualni izvještajni obrasci:

- a) Bolesničko-statistički list; Bolesničko-statistički list - ONKO tip i Bolesničko-statistički list - psihijatrijski tip,
  - b) Prijava oboljenja-smrti od zaraznih bolesti,
  - c) Prijava oboljelog od HIV/AIDS-a,
  - d) Prijava oboljelog djeteta od HIV/AIDS-a,
  - e) Prijava smrti oboljelog od HIV/AIDS-a,
  - f) Prijava o tuberkulozi,
  - g) Prijava bolničke infekcije,
  - h) Prijava/odjava epidemije zarazne bolesti,
  - i) Prijava postvakcinalne komplikacije,
  - j) Prijava porođaja,
  - k) Prijava prekida trudnoće,
  - l) Prijava nesreće/ozljede na poslu,
  - m) Prijava o profesionalnoj bolesti,
  - n) Prijava privremene spriječenosti za rad,
  - o) Prijava povrede u prometu,
  - p) Prijava oboljelog od maligne neoplazme,
  - q) Prijava oboljelog od šećerne bolesti/diabetes mellitus,
  - r) Prijava oboljelog od kronične bubrežne insuficijencije,
  - s) Prijava kongenitalne malformacije,
  - t) Prijava oboljelog od kronične psihoze,
  - u) Prijava liječenih ovisnika od psihoaktivnih supstanci.
- (3) Oblik, sadržaj i način vođenja individualnih izvještajnih obrazaca iz stavka (2) toč. a), toč. j) do m), toč. o) do u) ovog članka propisani su na Obrascima koji se nalaze u Pravitku 1. ovog pravilnika, i čine njegov sastavni dio.
  - (4) Oblik, sadržaj i način vođenja individualnih izvještajnih obrazaca iz stavka (2) toč. b), f) i h) ovog članka propisani su Pravilnikom o načinu prijavljivanja zaraznih bolesti ("Službene novine Federacije BiH", broj 101/12).
  - (5) Oblik, sadržaj i način vođenja individualnih izvještajnih obrazaca iz stavka (2) toč. c), d) i e) ovog članka propisani su Pravilnikom o načinu prijavljivanja HIV/AIDS-a u Federaciji Bosne i Hercegovine ("Službene novine Federacije BiH", broj 36/09).
  - (6) Oblik, sadržaj i način vođenja individualnog izvještajnog obrasca iz stavka (2) točka g) ovog članka propisan je Pravilnikom o uvjetima i provođenju mjera za sprječavanje i suzbijanje bolničkih infekcija ("Službene novine Federacije BiH", broj 84/10).
  - (7) Oblik, sadržaj i način vođenja individualnog izvještajnog obrasca iz stavka (2) točka i) ovog članka propisan je Pravilnikom o načinu provođenja obvezne imunizacije, imunoprofilakse i kemoprofilakse protiv zaraznih bolesti te o osobama koje se podvrgavaju toj obvezi ("Službene novine Federacije BiH", br. 68/16 i 16/17).
  - (8) Oblik, sadržaj i način vođenja individualnog izvještajnog obrasca iz stavka (2) točka n) ovog članka propisan je Pravilnikom o postupku i kriterijima za utvrđivanje privremene spriječenosti za rad osiguranika ("Službene novine Federacije BiH", broj 3/17).

**Članak 3.**

(Obveza popunjavanja i dostavljanja individualnih izvještajnih obrazaca)

Sve javne i privatne zdravstvene ustanove, kao i nositelji privatne prakse u Federaciji obvezni su popunjavati i dostavljati individualne izvještajne obrasce iz svog djelokruga rada nadležnom kantonalnom zavodu za javno zdravstvo i to na obrascima propisanim ovim pravilnikom, kao i obrascima